



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2117. Graf Eitelfritz von Zollern klagt Mannen und Städten, welche dem
Herzog Hans von Sagan angehören, desselben auf Bobersberg erhobene
Ansprüche, im Jahre 1482.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

frawen Barbaren irem vater, Brudern vorgnant vnd iren erben Marggrauen Zu Brandenburg huldigung thun one Weigerung, als oft das nott thun wirdt, Zu solchem Widerkauff jn getrew gewerttig vnd gehorsam zu sein, iren fromen zu werben vnd schaden zuwenden vnd alles zuthun, das frumb leut irem herren zuthun schuldig vnd pflichttig sein vnd von jn jn keinerley weylz nit zutretten, setzen oder zuwenden, so lang bis das die gnant Fraw Barbara, ir Vater, Bruder vnd ire erben marggrauen zu Brandenburg, wie vorberurt, zu gnuge betzalt, gegeben vnd aufgericht sein worden. Die weil auch solch Widerkauff nit bescheen ist, Sollen sie wider von vns den vnsern oder ymants anders mit dinften, Nachvolg, oder mit einicherley ander sach oder beswerung beladen noch Bezwungen werden vnd damit der erbhuldigung, die weil solcher widerkauff nicht beschiedt, entbunden sein. Mit vrkund difes briues besiegelt mit vnserm koniglichem anhangenden jnsigel. Geben zu hamburg, am Freitag vor Simonis vnd Jude, Nach Cristis geburt vierzehenhundert vnd jm Zwevndachtzigsten, vnser Reiche des Hungerischenn jn funffundzweintzigsten vnd des Behemischen jm vrtzehenden jarenn.

Nach dem Kurnürf. Lehn- Copialbuche Nr. III, 108. — Von Lebebur's Archiv II, 186.

2117. Graf Eitelrich von Zollern klagt Mannen und Städten, welche dem Herzog Hans von Sagan angehören, desselben auf Boberberg erhobene Ansprüche, im Jahre 1482.

Vnsren grus czuoren. Libe befunden. Der Hochgeborn furst vnd herre, herr Johans, hertzog jn Slesien vnd vom Sagan, nymbt jm fur, vns als Hewbtman vnser gnedigen herrschafft desz Boberbergischen lendichens wider koniglichen Maiestat Spruch recht vnd dy billikeit, czuentsetzen vber das, das lantkundig, jm selbs wissentlich, das solch lendichen czu Croffen gehort, auch von ko. M. dar czu gelihen ist, vnd wir des als hewbtman von wegen vnser gnedigen herrschafft jn gewehr vnd besiczunge biszher gehabt, vnd noch haben. Elz werden auch vnser gnedigen herrschafft veinde vnd beschediger N. N. vnd N. jn sein landen furgeschoben vnd einhalten. Nachdem wir nun vffrur vnd beschedigung der land nicht gern sehen, So begern wir an euch mit fleys bittend, czuuerfugen, das solch furnemen obberurt abgestalt, damit wir czu der gegenwer nicht gedrunge werden, danne so das nicht geschee, so wurd sich geburen von ampts vnd vnser gnedigen herrschafft wegen, vns by vnserm Innhaben vnd gewehr vnuerleczt k. M. Spruch wy vnd wyr kondten czu hanthaben, czubehalten, des wolten wir euch jm befel verkunden nicht lassen.

Nach dem Kurnürf. Lehn- Copialbuche Nr. I, fol. 95.